



Bases da promoción “DATE UNHA VOLTA POLO COMERCIO LOCAL”.

1.- OBXECTO

A Federación de Comerciantes e Industriais do Morrazo_FECIMO, desenvolverá **do 03 de outubro de 2022 ao 22 de outubro de 2022**, ambos inclusive, a promoción “**DATE UNHA VOLTA POLO COMERCIO LOCAL**” (de aquí en diante **CAMPAÑA**). Esta Campaña procura transmitir aos consumidores un atractivo promocional que incentive a realización das compras nos establecementos asociados adheridos, ofrecendo a posibilidade de acadar importantes premios polas compras realizadas nos mesmos.

2.- ÁMBITO DA PROMOCIÓN

Esta promoción terá o seu ámbito nos establecementos comerciais e demais empresas integradas na Federación a través das súas asociacións, que decidan voluntariamente participar na mesma (sempre e cando os mesmos atópanse abertos ao público e en normal funcionamento durante o período indicado). Un establecemento que non participe na campaña non poderá entregar o material da campaña nin descontar as tarxetas regalo do comercio local resultante dos sorteos de premios de dita campaña.

As bases estarán publicadas e dispoñibles nas páxinas webs www.fecimo.es e www.comerciodomorrazo.com.

3.- PREMIOS

Os premios que constitúen a presente campaña consisten en tarxetas regalo do comercio local para mercar nos establecementos adheridos á campaña, por un importe total bruto antes de retencións/ingresos a conta de **2.000,00 €**, repartidos da seguinte forma:

PREMIOS TARXETA REGALO

Aportados pola organización:

80 PREMIOS DE 25 €.....Total__ 2.000 € (650€ mínimo por localidade)

REGALO PROMOCIONAL POLAS COMPRAS

- **800 bolsas reutilizables do comercio local**
- **400 mochilas do comercio local**
- **400 tazas do comercio local**
- **100 powerbank 2.200mAh**
- **600 Paraugas do ComercioLocal**
- **900 Guías Comercio local**



De non existir stock de premios dispoñible, a organización dará por AGOTADOS os premios directos polas compras en cada categoría esgotada.

*FECIMO resérvase o dereito a entregar aos gañadores outro premio de iguais ou similares características.

4.- DEREITO A PARTICIPAR E ACCESO Á PROMOCIÓN.

Trátase dunha promoción dirixida aos clientes-consumidores das empresas asociadas adheridas. Pode participar calquera persoa física que realizara algunha compra ou servizo no comercio ou empresa asociada participante durante o período de vixencia da promoción (**do 03 de outubro de 2022 ao 22 de outubro de 2022**).

Aqueles clientes do comercio local, titulares dun ticket de compra por importe igual ou superior a 10€, e obtido durante as datas de celebración da campaña (**do 03 de outubro de 2022 ao 22 de outubro de 2022**) poderán solicitar o canxe de dito ticket por unha pegatina que acredite esa compra.

Para facerse cun premio, a persoa participante deberá reunir, nunha única tarxeta, 3 selos (números) distintos.

Unha vez recopilados eses 3 selos distintos, a persoa consumidora poderá canxear esa tarxeta por unha tirada na ruleta do comercio local, ubicadas nas datas e horarios recollidas nestas bases. .

Cada cliente poderá participar tantas veces como tarxetas completas obteña mediante a compra ou contratación de servizos, aumentando deste xeito as súas probabilidades de resultar agraciado cun premio.

A presente promoción farase con igualdade de oportunidades e con estrito respecto ás normas básicas da boa fe. Por elo, calquera utilización abusiva ou fraudulenta destas bases dará lugar á conseguinte exclusión do participante na promoción.

A constatación de calquera destas circunstancias suporá a descalificación automática do participante. No caso de constatar as citadas irregularidades con posterioridade á aceptación do premio, FECIMO, resérvase o dereito a exercer todas as accións legais que lle asistan contra os infractores.

5.- PROCEDIMENTO DO SORTEO.

RULETAS DO COMERCIO LOCAL

As tarxetas correctamente cubertas participarán no sorteo dos premios nas ruletas finais de Campaña que se levarán a cabo nas seguintes datas:

- 17 octubre (Bueu) - Praza do Concello (16:30h - 20:30h)
- 18 octubre (Cangas) - Eugenio Sequeiros - Praza constitución (16:30h - 20:30h)
- 19 Octubre (Moaña) - Paseo marítimo - Entorno praza - parque infantil (16:30h - 20:30h)



- 20 Outubro (Cangas) - Eugenio Sequeiros - Praza constitución (10:00h - 14:00h).
- 21 outubro (Moaña) - Paseo marítimo - Entorno praza - parque infantil (10:00h - 14:00h).
- 22 outubro (Bueu) - Praza do Concello (10:00h - 14:00h).

Para a escolla de gañadores realizarase unha única tirada por tarxeta correctamente cuberta. O premio resultante será o resultante da tirada realizada podendo non resultar agraciada dita tirada con premio algún se a tirada resulta na sección “segue xogando”.

En cada ruleta realizada sortearanse, como mínimo, os seguintes premios*:

- **13 PREMIOS DE 25 €.....Total__ 325 €**
- **133 bolsas reutilizables do comercio local**
- **66 mochilas do comercio local**
- **66 tazas do comercio local**
- **16 powerbank 2.200mAh**
- **100 Paraugas do ComercioLocal**
- **150 Guías Comercio local**

De non existir stock de premios dispoñible nalgunha das categorías anteriores, a organización dará por AGOTADOS os premios directos polas compras na categoría esgotada.

*FECIMO resérvase o dereito a entregar aos gañadores outro premio de iguais ou similares características.

6.- ENTREGA E ACEPTACIÓN DOS PREMIOS

A entrega dos **PREMIOS farase PRESENCIALMENTE no lugar e data de celebración da correspondente RULETA.** A organización non enviará os premios resultantes da ruleta a domicilio, sendo responsabilidade das persoas participantes retirar o premio no momento do sorteo. No suposto de que o gañador non aceptara o premio nas condicións e prazos establecidos o premio quedará deserto.

Ningún dos premios da presente promoción poderá ser obxecto de cambio, alteración, compensación o cesión a petición dos gañadores.

Os gañadores/as das tarxetas regalo deberán gastalos nos establecementos adheridos á campaña, nun prazo de **1 MES dende a obtención do premio (establecese como data límite: 30 de novembro de 2022).**

7.- OUTRAS CONDICIÓNS DOS PREMIOS

- FECIMO resérvase o dereito a non aceptar tarxetas con selos ilexibles, manipulados, falsos ou con calquera defecto ou anomalía que impidan o seu recoñecemento ou validez de participación nesta promoción.



- O período de reclamacións ao promotor finaliza en 7 días hábiles transcurridos dende a finalización da campaña.

8.- LIMITACIÓNS PARA PARTICIPAR

FECIMO resérvase o dereito, se concurre causa xusta e previa comunicación de xeito legal, a efectuar calquera cambio, suspender ou ampliar esta promoción. A simple participación implica a aceptación destas bases na súa totalidade, polo que a manifestación, no sentido da non aceptación das mesmas, implicará a exclusión do participante e, como consecuencia, FECIMO, quedará liberada do cumprimento da obriga contraída con dito participante.

Así mesmo, os participantes comprométese a admitir a decisión interpretativa que FECIMO poida darlle sobre as presentes bases ou sobre calquera cuestión derivada da promoción contemplada nestas.

O gañador de calquera dos premios non poderá ser o propietario/titular/socio, os seus empregados, cónxuxe, nin familiar de 1º grao descendente ou ascendente (fillos/pais) do establecemento onde fora entregada a tarxeta de código. Dada a imposibilidade material por parte de FECIMO de identificar as persoas mencionadas anteriormente, de resultar calquera delas agraciadas e de coñecerse tal circunstancia, excluírase como premiado quedando dito premio deserto.

Así mesmo, se a persoa que a tarxeta cos selos, fose un menor, poderá representalo os seus pais ou titor legal.

9.- EXONERACIÓN DE RESPONSABILIDADES

- FECIMO non se responsabiliza do uso que do premio realice o agraciado e non será responsable dos servizos nin produtos que terceiras empresas deban prestar con motivo do premio desta promoción.
- FECIMO non será responsable se a tarxeta é incorrecta, está danada, perdeuse, sustraíuse ou calquera outra circunstancia allea ao promotor que anule o dereito do gañador a reclamar o premio.

10.- DEREITOS E DEBERES DE PARTICIPANTES E GAÑADORES.

10.1. REPERCUSIÓN FISCAL

FECIMO non se fará cargo dos impostos derivados da entrega dos premios, salvo aqueles que por lei correspóndalle satisfacer, e, no seu caso, practicará o ingreso a conta ou a retención que poida corresponderlle en virtude da lexislación aplicable.

a) De conformidade coa normativa do IRPF os premios desta promoción estarán suxeitos á normativa fiscal en vigor en cada momento, actualmente a **Lei 35/2006, de 28 de novembro do IRPF**, modificada pola Lei 26/2014 de 27 de novembro, o Real



Decreto 439/2007, de 30 de marzo polo que se aproba o Regulamento do IRPF, o Real Decreto 2004/2009 de 23 de decembro e o **Real Decreto-Ley 9/2015** que modifica o anterior.

Neste marco legal, establécese que os premios derivados da participación en xogos, concursos, rifas, ou combinacións ao azar vencelladas á venda e promoción de bens e servizos están suxeitos ao ingreso a conta sempre e cando a base de retención ou ingreso á conta do premios sexa superior a 300 €.

b) Con independencia do establecido no punto anterior, o premiado queda obrigado ao cumprimento das súas obrigas contables e fiscais. En concreto, e como suxeito beneficiario do premio deberá declarar e incorporar na súa base imponible xeral do seu IRPF, a valoración neta do premio.

c) FECIMO queda relevado de calquera responsabilidade relativa ás obrigas fiscais que para o agraciado puideran derivarse da obtención do premio.

10.2. TRATAMENTO DOS DATOS DE CARÁCTER PERSOAL

A ORGANIZACIÓN respecta a lexislación vixente en materia de protección de datos persoais, a privacidade dos usuarios e o secreto e seguridade dos datos persoais, de conformidade co establecido na lexislación aplicable en materia de protección de datos, en concreto, a Lei Orgánica de 3/2018 de 5 de decembro de Protección de Datos e Garantía de Dereitos Dixitais (LOPDGDD), adoptando para iso as medidas técnicas e organizativas necesarias para evitar a perda, mal uso, alteración, acceso non autorizado e roubo dos datos persoais facilitados, tendo en conta do estado da tecnoloxía, a natureza dos datos e os riscos aos que están expostos.

En concreto, infórmase os usuarios do portal que os seus datos de carácter persoal só poderán obterse para o seu tratamento cando sexan adecuados, pertinentes e non excesivos en relación co ámbito e as finalidades determinadas, explícitas e lexítimas para as que se obtiveron.

A ORGANIZACIÓN informa de que os datos proporcionados por calquera medio polos participantes da promoción na web www.comerciodomorrazo.com serán incorporados a un ficheiro automatizado responsabilidade da entidade, coa finalidade de xestionar o seu acceso e participación na presente promoción

Os participantes poderán exercer os dereitos de acceso, rectificación, cancelación e oposición. Establecense como puntos de contacto para os interesados o seguinte correo electrónico fecimo@fecimo.es Así mesmo, estableceuse como punto de contacto presencial para os interesados o seguinte domicilio, Avda de Vigo nº 91-baixo, 36940 Cangas (Pontevedra).

A ORGANIZACIÓN adoptará as medidas técnicas e organizativas necesarias para garantir a seguridade e integridade dos datos, así como para evitar a súa alteración, perda, tratamento ou acceso non autorizado.



10.3 CESIÓN DE DEREITOS DE IMAXE

Os gañadores nesta promoción autorizan a que se tomen fotografías e se graven imáxenes en soporte audiovisual así como a súa reprodución, uso, e difusión do seu nome, apelidos e imaxen en calquera actividade publicitaria e/ou promocional relacionada coa promoción, todo elo en calquera medio e sen que ditas actividades lles confira dereito de remuneración económica ou en especie ou beneficio algún. A cesión inclúe os dereitos de reprodución, distribución e comunicación pública de gravacións ou imaxenes captadas, sen limitación de tempo nin territorio exclusivamente relacionadas con este certame, sen restricción algunha, no seu estado orixinal ou procesadas e altaradas de calquera xeito, en todo ou en parte, en calquera medio visual, impreso ou electrónico presente ou que se poida desenvolver no futuro como serían entre outros, exposicións, revistas, libros, diarios, televisión, valos publicitarios, folletos, puntos de venda, CD Rom ou DVD, sitios de Internet ou similares, con calquera obxecto lícito o que inclúe, entre outros, publicidade, promocións, contido editorial e anuncios.

10.4 ACEPTACIÓN DAS BASES

A participación na presente promoción supón a aceptación íntegra das presentes bases e a sumisión expresa das decisións interpretativas que das mesmas efectúe a ORGANIZACIÓN. Para verificar esta aceptación ao participante solicitarase a aceptación expresa no momento de validación de códigos. No caso de diverxencia entre os participantes na promoción e a interpretación das presentes bases pola ORGANIZACIÓN, serán competentes para coñecer dos litixios que poidan plantexarse os Xulgados e Tribunais de Cangas do Morrazo, renunciando expresamente os participantes desta promoción ao seu propio fuero, de resultar distinto ao aquí pactado.

En Cangas, a 03 de outubro de 2022